




:- m:

a: :p:

J. W. Seligman  
H. W. Seligman



DE  
NUPERA  
D. FRIDERICI SPANHEMII F.  
EPISTOLA

AD  
AMICUM,  
*Quâ exhibet novissima circa res Sacras in  
Belgio dissidia,*

AMICI  
*ad*  
AMICUM  
EPISTOLIUM.



M. DC. LXXVI.

W. H. P. R. A.

D. P. A. R. T. I. C. I. L. I. A.

EPISTOLA

A. D.

AMICUM.

Epistola ad Amicum in 2 versibus

Epistola

A. M. I. C. I.

A. D.

A. M. I. C. U. M.

EPISTOLUM



W. H. P. R. A.

## D E N U P E R A

D. FRIDERICI SPANHEMII F.

## E P I S T O L A

*Ad*

## A M I C U M,

*Quâ exhibet novissima circa res sacras  
in Belgio dissidia,**AMICI ad AMICUM,  
EPISTOLIUM.*

Uperrimè inter nos sermo erat, Amice, de nupero libello Cl. Spanhemii, cui Epistolæ nomen fecit, meque abs Te induci passus sum, eum ut legerem aliquantò consideratius; Perlegi igitur, sed cursim; neque enim vel tempus erat vel animus in istis fatigandi ingenium meum, nec res visa tanti, ut vel mediocriter doctos morari debeat. Tamen ut me legisse quantum satis est intelligas, Læctionis istius Hesternæ quantum per hujus diei semissem vacat, apud Te rationem reddere constitui. Sed rem paucis expediam, quam Vir ille multas cæteroquin res doctus, plurimis verborum ambagibus intricavit. Quâ ratione si eruditionis aliquam laudem quæsit vel eloquentiæ, non equidem invidio quod imitari nolum. Videtur enim Florilegia è Trivio captasse, dum undique phra-



ses Latinas Græcasque, Poëticas, Satyricas  
 cumulatè corrasit congeffitque: interim vix  
 tria exhibet Sacrarum Literarum testimonia,  
 homo Theologus, & res describens Ecclesiæ  
 in qua Dei ipsius vox resonare debet. Sed vel  
 Tullius aut Varro quispiam à prophetarum  
 Apostolorumque phrasi propiùs quàm hic  
 noster mihi abesse videntur. Nempe nihil  
 adeò pensi duxit loqui eloquia Dei, dum eos  
 qui hoc unicè quærunt insectatur. Dum au-  
 tem amat & admiratur humanæ istius sapien-  
 tiæ persuasoria verba, interim neque Latinè  
 loquitur nec Græcè, etsi, utrumque velle  
 videatur. Verborum mare fundit, rerum gut-  
 tas stillat. Quas si ex æquo æstimaveris, non  
 videbitur, ut per humanam infirmitatem  
 necessariò fit, mala admiscuisse bonis, sed  
 bona malis. Rarum quippe est si quid hîc  
 boni est. Plæraque induci merentur, pauca  
 forte intercurrent passim vera quidem sed  
 non verè dicta, vel bona etiam, si modo ve-  
 ra. Longum foret ista examinare, sed in hoc  
 genere sunt dolor quem se animo concepisse  
 queritur è conditione Ecclesiæ prorsus do-  
 lenda, justumque pacis & concordiae desi-  
 derium, verùm quo vix seriò ipsum affici  
 credas, ubi videris nihil his magis contra-  
 rium quam sit hujus Epistolæ modus & ra-  
 tio. Tota enim, si legeris, quid aliud quam  
 continua *καταγγελία* fratrum est, & clamor  
 Classicus? Sed dicam breviter, quibus maxi-  
 mè modis Camarinam moveat, & Tyria  
 concitet maria Spanhemius. Variè & ubique  
 ferè peccat in Pacis leges, in Charitatem  
 Chri-



Christianam , in Historiæ fidem. Singula se produnt in singulis quæ nunc speciminum instar recensebo. Charitas omnia tegit , hic noster reteggit tecta vel protenus ut spes erat tegenda : unguemque infigit ulceri Ecclesiæ , jam magis quam nuper sanabili viso. Nam dum finis mox fore intelligitur eristicis libellis utrinque editis , aliis sub manum adhuc nascentibus in spongiam in cubituris , dum omnis fermè de rebus ipsis disputatio in facti quæstionem verti cœpit , & acerrimi Spanhemianarum partium antistites in sententiæ quam oppugnârunt explicatione à fratribus allatâ acquiescere videntur , dum quiescunt Synodi , Classes , Presbyteria , dum multis in locis coalescunt animi , Curatores Academiæ litibus modum quærunt , spes proxima succedit exoptatissimæ Pacis & tranquillitatis ; inter hæc omnia solus Spanhemius Epistolam scribit quæ oleum addat camino flammæque quibus restinguendis peregrè huc se advenisse dicit , succendit. Et quod mireris , eodem quasi halitu in remedium malorum inquit , & eadem sic exaggerat , ut spem omnem potiundi jam decollasse ostendat. Pacis se dicit studiosissimum , nemini gravem , nullum dum prætermittit dictionis genus quo se ostendat sponte litigiosum. Nam præterquam quod non provocatus injuriosam istam in fratres epistolam emisit : in specie unico quasi puncto tactus , undique multoties ferit mordetque. Variis in locis mirabar quid causæ esset , quod Gelasio intemperantiùs illuderet , donec mihi suggereret memoria hunc illi unum *Acceptilationis* vocabulum exprobrasse alicubi. Quam certè quasi

Pag.  
183. 212.  
P. 174.

injuriam impatientius ferens, conviciorum plaustris ulcisci voluit. Verum hæc ipsi Etymologicon suppeditavit, ut verborum pugnet apparatu, ubi res deerant, atque maledicendo vindictam exerceret quam malefaciendo non potest. Nec Timotheo parcat Detectori, ut ait, nequitiae suae, à quo tamen nihil sibi nequiter factum refert; retulisset autem haud dubie si fuisset. Quid quod ne Collegis quidem parcat. Venerabilem Heidanium dum videri vult datâ quasi operâ nunquam non cum honore commemorasse, testis tamen Verborum ambagibus plurimam ei turbatae per Coccejum pacis culpam affingit, dum ejus fultum autoritate, & quasi foedere animatum ad majora audendum fuisse adserit. *De Cl. Wittichio Collega hodieque honorando, quocum inimicitias nullas exercuit rarum facturum sermonem & silentio proximum, sex integris paginis continuis ejus Viri studia scriptaque traducit, dum lites longè plures & à pluribus quàm unquam extiterunt, ei motas recenset, & sic satis suo quodam dicendi genere comprobatur. Atque hoc ipsi est acta tantum narrare, nihilque optimi Collegae sui vel laudibus vel virtutibus detractum velle.* Celeberrimo prædecessori suo Joanni Coccejo insultat mortuo, eumque satis operose comparat Origini. Quod factum ad invidiam qui non odoratur, nã is nasum non habet. Rem oppido indignam? incomparabili dexteritate & diligentiae Theologo, & indefesso Scripturarum interpreti, Academiae magno lumini & columini, ignobilis successor datus, ab illo turbatam quam ornavit Ecclesiam, queritur, indignatur. Neque

fatis

P. 49.  
109.

P. 98.  
seq.

P. 105.  
seq.

fatis ei fuit vivos mortuosque vituperasse, nisi  
 vivos quoque cum mortuis, amicos amicis  
 committeret, quo faciunt epistolæ ad se scrip-  
 tæ sub fide amici, ac si mutatam alicui senten-  
 tiam exprobraret, maximè autem quæ ex lite-  
 ris Cl. Perizonii & *μνηεῖς* adduxit de Wi- P. 10.  
 tichio. Verùm his armis si incesserit, similia  
 contra se producere potuisset ex epistola suæ fi-  
 dei commissâ, quam fracto sigillo & fide, post-  
 quam attentè perlegisset & quæ de se non multa  
 cum laude sua expressa invenerat, subductis li-  
 neolis hinc inde enotasset, ausus est perferre ad  
 Virum venerandæ dignitatis cui inscripta erat,  
 Jovem lapidem jurans, istud inconsultò à se  
 commissum fuisse; quod tamen factum con-  
 sultò subductæ lineolæ per se loquebantur.  
 Tantundem fidei in propalandis Perizonii lite-  
 ris ostendit, quas si haberet ejusmodi, se-  
 cum condere debuisset, certè *silentio proxi-*  
*mo*, cùm literarum arcanarum revelatio  
 hominis sit usquequaque loquacissimi. Est-  
 que hoc animi in Collegam malè affecti in-  
 dicium, (quidquid contra verbis rhetorice-  
 tur) adeò corradendis in ipsum undique testi-  
 moniis incubuisse, ut mortuos etiam, quæ in  
 sinum quasi amici effundere vivi voluerunt,  
 palam ista cogat proloqui. Quæ inter Cl.  
 Coccejum jam pluribus adscriptum & Cl. Phi-  
 losophum de Raei quondam mutuò dicta vide-  
 ri poterant crudiuscula, sua nobis fide prodit,  
 quorsum, nisi ut prostituat ambos atque  
 utrosque iater se committat. At nimis leve  
 erat paucorum & singula tantum præclara no-  
 mina perstrinxisse, eò omnis ipsius collimat  

( 3 4 )
oratio,

oratio , five methodum spectes seu dictionem ,  
 ut quotquot hodiè à partibus Cocceji vel Car-  
 tesii sunt cum Remonstrantibus compareret , at-  
 que eandem utrobique causam faciat. Qui sa-  
 nè pessimus agendi mos est , quem aliis ante  
 usitatum , hic vir insignis suo etiam exemplo  
 comprobare debuit , omninò ut æquior cæteris  
 ne videretur. Quod certè alio non facit , quam  
 ut eâdem quâ Remonstrantes premat eos invi-  
 diâ quos fratres & Collegas condignos agno-  
 scere debet nec inficiatur. Hinc si eadem isto-  
 rum causa quæ Remonstrantium est , quid ve-  
 tat similia similibus remedia quæri ? Ergò hic  
 se prodit , (dicam quod res est) de quo jam  
 ante constitit nobis aliunde ferale propositum  
 de extirpandis hæresibus , uti propemodum  
 loqui amant , quod ne in nervum erumpat ,  
 deus è machina ad est qui avertat. Sed inte-  
 rim quid est novæ rei de qua inculsat fratres ?  
 Quasi non eadem omnia objecta nostris à Pon-  
 tificiis essent , neque novitatis crimen pericu-  
 losæ declinare , vel Scripturæ obtendi possent  
 justè , eò quod idem ab hæreticis factum in-  
 justè. Hic sanè , non quid dicatur , sed quis  
 dicat , & quo jure , attendendum est. Quæ  
 dum apud animum meum reputo , vix absum  
 quin dicam , Contraremonstrantium sic satis  
 prodi Causam Remonstrantibus , dum horum  
 pro se dicta , Scriptaque citantur passim Span-  
 hemio , nec refutantur ; Quasi dici ista pro-  
 tuissent , nec dicta refelli. Sed rarè invidiam  
 affectusque prudentia comitatur. Totus in eo  
 est , ut communis invidiæ victimas faciat , quo-  
 rum ferre nequit studia , profectus , encomia  
 ex



ex his reportata. Nam ut paucis complectar universa , amabo te , quanto cum apparatu , non certè rerum sed verborum , quantis flosculorum ampullis , quàm longis grallatarum dictionum passibus , continuò exclamat , quando de Ecclesiarum in Belgio presente conditione sermo est , quasi peior nulla inde ab Apostolorum primordio usquam fuisset ? Adeo ut fatear , si apud exteros vixissem , atque ibi ista Spanhemiana nec alia vel aliunde de rebus patriis oblata mihi fuissent , vix pedem huic terræ inferre ausurum , præ metu ex istorum lectione concepto , ne vel in me cœlum rueret , vel subtus terra dehisceret. Saltem nil nisi lites & quidem Theologicas , nec alias quam Cartesianas & Coccejanas , de suggestis , pulpitisque , in quolibet hominum congressu , & quovis tempore ac loco , auditurum. Nec verba solum , sed verbera hîc frequentari , cædes , latrocinia , & quidquid est similis mali , credidissem. Cùm certè mihi homini Batavo , nec patriarum rerum ignaro , circa Ecclesiastica non paucis abhinc annis occupato , nihil tale constet. non Synodus , Classisve una à se mutuò vel ab alia ob hæc in publico divisa ; neque ullum presbyterium , excepto solo fortasse Mediodurgensi. Multò minus ut Politici in partes abierint , ob hanc nempe causam. Sed Synodos , classes , presbyteria , ipsosque Magistratus comperimus continuasse in officio dissidentes. Quidquid vel litis vel dissensionis de his fuit , nuper adhuc privatum erat , donec publicum fecerunt Spanhemianæ factionis homines. Quàm igitur verè , quàm candidè ista

P. 120.  
1699.

scripserit Spanhemius, quàm ad pacem Ecclesiæ, vident nobiscum qui vident. At in iis quæ sequentur, ipsum dabo prorsus falsiloquum. Tres facit causas turbatæ Ecclesiæ Belgicæ, inque his primam Cartesianam & Coccejanam in discipulos Voetii, Hoornbekii, Maresii quasi conspiracy, illos ut ab Ecclesiarum ministeriis prohiberent. Quo sanè nihil falsius comminisci potuit. Nam Hoornbekii saltem tempore nulla fuit (ipso fatente Spanhemio) Cocceji vel vis vel autoritas, nedum discipulorum, aliis ut obsistere potuissent. Nec istorum vel qui Cartesii amant literas ea fuerunt studia discipulos Voetii à Cathedris arcendi, sed ipsius Maresii & eorum quos sibi affectas fecerat. Is enim fuit fructus funestissimæ litis quæ per quindecim annos exercuit duos cæteroquin non infimo loco Theologos, & post decennales quasi inducitas tandem sopita fuit, majoris incendendæ causâ. Nempe decretum illis junctis fœderibus viribusque in Cartesianos & Coccejanos fuit, teste ipsomet Maresio in suis passim scriptis post consignatum illum librum Concordiæ in lucem editis. Antea autem sicut deinceps variis in locis per Hollandiam repulsam passos Voetii quosdam discipulos haud diffitemur, non ob odium vel Cocceji vel Cartesii, sed artibus Maresii & suorum, quarum facilius fuit effectus, quòd id hominum genus magis invisum esset Magistratibus ob seditiosas Conciones, & politica studia, quæ omnia duos V. D. Ministros Ultrajecto exire coëgerunt, perinde ut tertius à Theologiæ professione destitutus, unius ob

iram

iram Marefii. Vide autem quantum Spanhemius hîc prodat nefas? Mera invidiæ & vindictæ cupidine suos agi fatetur, par ut pari referant, & quasi in noxeos sibi fratres armati, quòd temporis hanc oportunitatem se nactos arbitrentur, obtentu novitatis & heterodoxias obruant innocentes & opprimant. Interim simul apparet Spanhemius *ἑαυτὸν ὑπερέμεινεν*, Voetii, Hoornbekii, Marefii discipulos auctores malorum indicans, quatenus ipsi in fratres quasi desciscentes à fide semel sanctis tradita animadvertere conantur, ut quam sibi ab his illatam injuriam falsò putant, rependant. Næ istud est egregiè *χρειάζεσθαι*! Alteram infelici- P. 124.  
cium turbarum causam in Cartesianorum cum seqq.  
Coccejani conjunctione ponit; quæ eò faceret ut vi unita & ob hoc fortiore, impetu majore in orthodoxiam irruerent. Quâ in re fallitur peregregiè. Nunquam enim illis in mentem venit ut se mutuò jungerent, & datâ quasi operâ defenderent. Adversariorum hæc fuerunt studia: & quæ vitio non carent imprudentiæ, quando ferventiore quàm ut ipsi pares essent zelo abrepti, & moræ impatientes, jam nunc tempus esse rati, utrosque extirpare uno quasi ictu voluerant. Hinc pars utraque dum sic unâ impetebantur, licet singulæ satis sibi in causâ præsidii esse crederent, quod sit in communi sorte, faciliè in unum quasi corpus coaluerunt, præsertim cùm nil esset rei quod ipsorum amicitiae intercederet. Testantur libelli in publicum & in vulgus emissi, quibus Coccejanæ & Cartesianæ Novitates simul petebantur, & ad quos respondere coacti quorum intererat.

Quid



Quid quod ipsum decretum DD. Curatorum  
 πολυφύλων utrosque conjunxit, saltem ex  
 mente Interpretum, quibus ipse hic noster gau-  
 det accenseri. Sex vel septem de viginti positio-  
 nibus Coccejanis, reliquas attribuant Cartesia-  
 nis. Utrosque igitur in his unà damnatos cre-  
 dideris, si istis credendum est, ut tandem ne-  
 cesse fuerit utrique parti pro se junctim respon-  
 dere. At nihiloscius vidimus eos initio pro  
 suâ quemque parte respondisse; donec com-  
 munis conditio discrimen sustulit. Infelices  
 ergò bellorum autores, qui quos seorsim inva-  
 dere debuissent, segreges uniunt unitosque  
 aggrediuntur, jamque spe positâ victoriæ po-  
 tiundæ, omnem belli infausti invidiam præ-  
 valituræ attribuunt parti, instar lupi agnum in-  
 cusantis, quòd infra flumen consistens turbaret  
 aquas supernè labentes. Saltem ejus apologi  
 speciem habet quod de operarum inter se distri-  
 butione & collatione mutuâ attribuit vix quid-  
 quam tale cogitantibus. Quæ non recens ca-  
 lumnia est. Maresii enim jam olim ea vox fuit,  
 qui prout erat plusquam gregarius miles non  
 putabat privatum aliquem vel solitarium, in se  
 insurgere ausurum quem læsisset prior. Ideò ne  
 videretur ipse magnus Goliath ab unico Davi-  
 de prostratus, agmina sibi finxit & collegia  
 filiorum lucis, è quibus in se tela torqueri cre-  
 debat. Sed vana hæc fuisse omnia satis super-  
 que mihi compertum est. Gloriosum istud inge-  
 nium hîc noster imitatur, ne post Maresium nul-  
 lus superesse Maresius videatur. Itaque in eun-  
 dem quoque lapidem offendit, nihil veri dicit  
 quod ad eam partem quam oppugnat. Quamvis  
 jam


jam nuper maturum sibi fore hoc consilium  
 & salutare propemodum cogitaverint, ex  
 quo undique negotium sibi facessere adversarios  
 compererant & exemplo jam dudum præluisse.  
 Quale si vel nullum extitisset, nihil tamen  
 vetaret suspicari, ipsos esse reos facti cujus  
 insimulant alios, nulla ducti specie rationis.  
 Quin id ipsum ostendunt exempla gregatim  
 scriptitantium, ex quibus prodiit libellus  
 Belgicus *Bericht over de Coccejaansche en  
 Cartesiaansche Nieuwigheden* / &c. offen-  
 dunt Conjuraciones Enchusanae & Medio-  
 burgenses, illa quidem jam extincta. osten-  
 dunt denique literæ Classium Zelandica-  
 rum mutuae, & ab his ad Synodos missæ,  
 Transisalanorum in Batavis & Frisiis machi-  
 nationes Synodicæ, & cum Politicis etiam  
 externæ ditionis collata consilia. Fallor!  
 an ipse id fatetur invitò Spanhemius, cum  
 tot Classes, Synodos, Presbyteria in unum  
 conspirasse partim fingit, partim verè ad-  
 ferit, & quod uni Wittichio negotium Pag. 99.  
 cum Gelris, Ultrajectinis, Transisalanis,  
 Frisiis, Groninganis fuisse dicit, etsi ve-  
 rum non sit, tamen si esset ut esse putat,  
 quis non hic videt conjuratos quasi & com-  
 modatis invicem operis in unum Theologum  
 ivisse omnes, cùm ad solos tamen Gelros tum  
 pertineret. Simul ex his videre est quàm nul-  
 lo jure queratur de scriptorum pro parte læsâ  
 turpitudine quam tantoperè exaggerat, ut  
 pejus nihil quidquam à pessimo quoque pro-  
 ficisci potuerit. Nam neque ullum offende-  
 rit Cartesianum vel Coccejanum qui prior  
 scripse-

scripserit , cuncti à suis provocati & protracti in Harenam , nec modum exceſſerunt juſtæ deſenſionis , quamvis quædam forte repere-  
 ris mixta quodam ſale & aceto. Sed veniam  
 faciliùs impetrat qui læſus lædit , quam qui il-  
 læſus , & hoc ipſo prior. Adhæc aëtoris ſem-  
 per partes fuerunt Spanhemianorum , in ſcri-  
 ptis , inque aëtibus publicis quotquot vel Sy-  
 nodos vel Claſſes vel Presbyteria fatigavêre.  
 Pag. 133. Nullum mihi circumquaque intuenti occurrit  
 exemplum contrarium. Aut ergo me ocula-  
 tior Spanhemius eſt , aut ſi incomperta tam  
 præfractè aſſerit , audacior : ut nil pejus de  
 ipſo exiſtimem , ſi eadem illi quæ nobis in his  
 comperta veritas eſt. Neque tamen ei ſic pa-  
 lam obloqui ſufficiebat , niſi auctâ inſuper cri-  
 minatione de ſcriptis anonymis , & quæ hanc  
 ſolam ob cauſam (neque enim alias inveneris)  
 videtur famoſis libellis adſcripſiſſe. Qui ſi eſ-  
 ſent , verecundiùs ſane agerent quorum ob hæc  
 puderet ſui nominis , quàm qui ſubſcribere no-  
 minatim ſanguinolentis chartis non erubescunt.  
 Nefcio autem , an quod Carmen extet Feſcen-  
 ninum , vel ſcriptum Satyricum hoc de quo  
 agitur , turpius , immitiusque. Illi autem quos  
 notat , non pudore nominis ſui vel facti con-  
 ſcientiâ , ſed vel perſecutionis metu , vel vere-  
 cundiâ latere maluerunt. Quamvis reperti ſint  
 quoque , qui omni procul habito velamine in  
 publicum prodierunt , in his ſunt D. Allinga  
 & Coccejus Junior , filius pro patre , præter  
 pretioſam communis atque optimæ cauſæ vi-cti-  
 mam , venerabilem Heidanium : Cum quo ut  
 in eadem inciderent incommoda , vellent Span-  
 hemius


hemius aliique ut cæteri quoque sub Jovis fulmine locati scriberent se autores. At enim è re etiam fuit publica rem nosse, personas non nosse ne lis realis in personalem degeneraret, qualem volunt & quærunt, qui animis schisma insanabile conceperunt. Cujus ne unquam voti compotes fiant, Deum pacis toto pectore veneror. In qua prece desino, nullum ratus operæ pretium, circa hæc pluribus fatigari, in quibus dum singuli invenerint quod suum est, haud dubiè pro se quisque respondebunt. Vale. dabam Idibus Decembris 1676.

F I N I S.














2783-807 Bound W. + H

